

Fundargerð 952. fundar

stjórnar Sambands íslenskra sveitarfélaga

Árið 2024, föstudaginn 27. september kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Heiða Björg Hilmisdóttir, Einar Brandsson, Einar Þorsteinsson, Freyr Antonsson, Guðmundur Ari Sigurjónsson, Hildur Björnsdóttir, Helgi Kjartansson, Álfhildur Leifsdóttir, Ásgerður Kristín Gylfadóttir og Jón Björn Hákonarson.

Walter Fannar Kristjánsson boðaði forföll, varamaður hans Ásgerður K. Gylfadóttir mætti í hans stað. Margrét Ólöf A. Sanders boðaði forföll, varamaður hennar Helgi Kjartansson mætti í hennar stað. Rósa Guðbjartsdóttir boðaði forföll en varamaður hennar hafði ekki tök á að sitja fundinn í hennar fjarveru.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Þórdís Sveinsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Kynning umhverfis-, orku- og loftslagsráðuneytisins - 2409034SA

Guðlaugur Þór Þórðarson, umhverfis-, orku- og loftslagsráðherra, Stefán Guðmundsson og Halla Sigurðardóttir frá umhverfis-, orku- og loftslagsráðuneytinu ásamt Örnú Ómarsdóttur komu inn fundinn undir þessum lið og gerðu þau grein fyrir vinnu við skilvirkari leyfisveitingu á sviði umhverfis- og orkumála. Einnig kynntu þau verkefni um endurskoðun um fyrirkomulag eftirlits með hollustuháttum, mengunarvörnum og matvælum.

2. Kostnaður og tekjur sveitarfélaga vegna meðhöndlunar úrgangs - 2308026SA

Á 89. fundi verkefnistjórnar um úrgangsmál, dags. 28. ágúst 2023, lagði verkefnastjórn til að Sambandið hrindi af stað verkefni um kostnað og tekjur sveitarfélaga vegna meðhöndlunar úrgangs í ljósi þess að kostnaður sveitarfélaga vegna þessa málaflokks hefur aukist verulega. Tillagan var samþykkt í stjórn Sambandsins þann 29. september 2023. Markmið verkefnisins var að ná betri yfirsýn yfir kostnað sveitarfélaga og hvernig hann hefur þróast síðastliðin ár. Auk þess að fá fram tillögur um möguleika til aukinnar hagkvæmni og bættrar yfirsýnar í málaflokknum.

Verkefninu var skipt upp í tvo hluta. Í fyrri hlutanum voru fimm sveitarfélög valin til þátttöku í verkefninu, þar sem gögn þeirra voru tekin saman og unnin greining á kostnaði og tekjum þeirra í úrgangsmálum fyrir undangengið ár. Ráðgjafar Pure North unnu greiningu kostnaðar út frá hrágögnum, þ.e. reikningum og öðrum upprunalegum upplýsingum um kostnað vegna úrgangsbjónustu. Niðurstöður Pure North voru kynntar fyrir stjórn dags. 31. maí sl.

Í seinni hluta verkefnisins, sem unnin var af HLH ráðgjöf var lagt upp með að eftirfarandi þættir yrðu skoðaðir og niðurstöður Pure north hafðar til hliðsjónar:

1. Hvernig er kostnaður og tekjur sveitarfélaga að þróast fyrir meðhöndlun úrgangs síðastliðin 10 ár?
2. Eru sveitarfélög að uppfylla lagakröfur þegar kemur að bókfærslum, gjaldskrárgerð og innheimtu vegna meðhöndlunar úrgangs?
3. Hvernig þurfa bókhaldsfærslur sveitarfélaga vegna meðhöndlunar úrgangs að breytast svo þær nái betur utan um útgjaldaliði og tekjur í málaflokknum og styðji við breytta innheimtu sveitarfélaga vegna innleiðingar Borgað þegar hent er?
4. Eru sveitarfélög með nægjanlegar upplýsingar og yfirsýn yfir kostnaðarmyndun í málaflokknum?
5. Hver er kostnaðarþátttaka Úrvinnslusjóðs vegna kostnaðar sveitarfélaga á meðhöndlun á úrgangi á ábyrgð Úrvinnslusjóðs?
6. Hvernig eru fjárfestingar að stuðla að því að sveitarfélög uppfylli hlutverk sitt og ábyrgð skv. nýju lögunum og eru vísbendingar um að innviði skorti?

Nú liggur fyrir skýrsla HLH um þróun kostnaðar úrgangsmála sveitarfélaga árin 2012 til 2023. Arnar Haraldsson ráðgjafi frá HLH kom inn á fundinn undir þessum lið og gerði grein fyrir niðurstöðum skýrslunnar.

Stjórn þakkar fyrir greinagóða skýrslu um þróun kostnaðar úrgangsmála sveitarfélaga. Í skýrslunni eru lagðar fram 13 tillögur til úrbóta. Skýrslan verður kynnt sveitarfélögum á fjármálaráðstefnu þar sem kallað verður eftir sjónarmiðum sveitarfélaga. Þá er formanni og framkvæmdastjóra falið að setja á fót starfshóp um úrgangsmál þar sem m.a. verða skoðaðar tillögur er snúa að Úrvinnslusjóði og koma með tillögur að framtíðarfyrirkomulagi sem byggja á þessum tillögum og fyrri skýrslum.

Hildur Björnsdóttir vék af fundi kl. 14:00, í stað hennar mætti varafulltrúi hennar Kjartan Magnússon kl. 14:45.

Guðmundur Ari Sigurjónsson vék af fundi kl. 14:20.

3. Skýrsla um kostnaðar- og ábyrgðarskiptingu ríkis og sveitarfélaga í þjónustu við fatlað fólk - 2205032SA

Arnar Haraldsson ráðgjafi frá HLH sat fundinn undir þessum lið og gerði grein fyrir niðurstöðum á tillögum starfshóps í áfangaskýrslu II um kostnaðar- og ábyrgðarskiptingu ríkis og sveitarfélaga í þjónustu við fatlað fólk, dags. í september 2024. Arnar vék af fundi kl. 14:55.

Stjórn felur formanni og framkvæmdastjóra að fylgja málinu eftir í samræmi við umræður á fundinum.

Helgi Kjartansson vék af fundi kl. 15:00.

4. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 98. fundar verkefnisstjórnar fyrir hagsmunagæslu í úrgangsmálum frá 28. ágúst 2024.

5. **Fundargerð 951. fundar - 2309033SA**
Lögð fram til kynningar fundargerð 951. fundar stjórnar Sambandsins frá 30. ágúst 2024, sem undirrituð hefur verið með rafrænum hætti.
6. **Fræðslumálanefnd - 2210009SA**
Lögð fram fundargerð 155. fundar fræðslumálanefndar Sambandsins frá 9. september 2024.
7. **Stafrænt ráð sveitarfélaga - 2009664SA**
Lögð fram fundargerð 31. fundar stafræns ráðs sveitarfélaga frá 18. september 2024.
8. **Kjaramálanefnd Sambandsins - 2210010SA**
Lögð fram sem trúnaðarskjal fundargerð 46. fundar kjaramálanefndar Sambandsins frá 10. september 2024.
9. **Staða kjaramála - 2406015SA**
Formaður samninganefndar sveitarfélaga gerði grein fyrir stöðu kjaramála í september 2024.
10. **Kjarasamningur - 2406015SA**
Lagt fram samkomulag milli samninganefndar Sambands íslenskra sveitarfélaga og AFLs Starfsgreinafélags, dags. 26. september 2024, ásamt fylgiskjali.
Stjórn Sambands íslenskra sveitarfélaga staðfestir samhljóða fyrirliggjandi kjarasamning við AFL Starfsgreinafélag.
11. **Endurnýjun veikindaréttar - 2409035SA**
Lagt fram minnisblað Antons B. Markússonar hrl., dags. 18. september 2024, um rétt starfsmanna til forfallalauna í veikindum - endurnýjun veikindaréttar.
Formanni samninganefndar sveitarfélaga falið að upplýsa sveitarfélög um niðurstöðu dómsins og áhrif hans.
12. **Drög að dagskrá fjármálaráðstefna sveitarfélaga - 2404027SA**
Þórdís Sveinsdóttir, sviðsstjóri þróunarsviðs Sambandsins, kynnti drög að dagskrá fjármálaráðstefnu sveitarfélaga 2024.
13. **Yfirferð yfir samþykktir Sambandsins - 2406023SA**
Lagt fram minnisblað yfirlögfræðings Sambandsins, dags. 25. september 2024, um yfirferð yfir samþykktir Sambandsins, ásamt fylgiskjöllum.
Málinu frestað til næsta fundar.
14. **Rammasamningur við STEF - 2409031SA**
Lagt fram minnisblað yfirlögfræðings Sambandsins, dags. 25. september 2024, um möguleika á heildarsamningi við STEF, ásamt fylgiskjali.
Yfirlögfræðingi falið að kanna samvinnugrundvöll við STEF um heildarsamning, kanna vilja sveitarfélaga til slíks samnings sem og kanna möguleika á framlagi úr Jöfnunarsjóði sbr. fordæmið um samkomulagið varðandi Fjölís.

15. Úttekt á stöðu Íslands gagnvart sáttmála Evrópuráðsins um sjálfstjórn sveitarfélaga - 2312020SA

Lagt fram til minnisblað yfirlögfræðings Sambandsins, dags. 25. september 2024, um úttekt á stöðu Íslands gagnvart sáttmála Evrópuráðsins um sjálfstjórn sveitarfélaga, ásamt fylgiskjali.

Freyr Antonsson vék af fundi kl. 15:00.

16. Stefnumörkun Sambandsins og breikkun tekjustofna - 2203042SA

Framkvæmdastjóri og aðalhogfræðingur Sambandsins gerðu grein fyrir vinnu við að forgangsraða áhersluatriðum í stefnu sambandsins um breikkun tekjustofna sveitarfélaga.

17. Tilnefning í aðgerðarhóp um brúun bilsins milli fæðingarorlofs og leikskóla - 2408016SA

Lagt fram til kynningar bréf Sambandsins til forsætisráðuneytisins, dags. 29. ágúst 2024, þar sem Helga María Pálsdóttir, sviðsstjóri stjórnsýslusviðs Sambandsins, er tilnefnd í aðgerðarhóp um brúun bilsins milli fæðingarorlofs og leikskóla.

18. Tilnefning í stýrihóp til að fylgja eftir tillögum vinnuhóps um endurskoðun á mats- og greiðslukerfi hjúkrunarheimila - 2408002SA

Lagt fram til kynningar bréf Sambandsins til heilbrigðisráðuneytisins, dags. 4. september 2024, þar sem Ásgerður Kristín Gylfadóttir, sveitarstjórnarfulltrúi í Sveitarfélaginu Hornafirði, er tilnefnd í stýrihóp til að fylgja eftir tillögum vinnuhóps um endurskoðun á mats- og greiðslukerfi hjúkrunarheimila.

19. Tilnefning í málnefnd um íslenskt táknmál - 2408003SA

Lagt fram til kynningar bréf Sambandsins til menningar- og viðskiptaráðuneytisins, dags. 4. september 2024, þar sem Selma Kaldalóns Sigvaldadóttir, starfsmaður á Táknmálasviði Hlíðarskóla í Reykjavík, er tilnefnd sem aðalmaður í málnefnd um íslenskt táknmál, og Anna Kristín Óladóttir, starfsmaður á Táknmálasviði Hlíðarskóla í Reykjavík, til vara.

20. Tilnefning í framhaldshóp til að vinna að endurskoðun á verklagi við forgangsröðun í hjúkrunarrými - 2408001SA

Lagt fram til kynningar bréf Sambandsins til heilbrigðisráðuneytisins, dags. 4. september 2024, þar sem Lilja Einarsdóttir, forstjóri Hjúkrunarheimilisins Lundar á Hellu, er tilnefnd í framhaldshóp til að vinna að endurskoðun á verklagi við forgangsröðun í hjúkrunarrými.

21. Tilnefning í aðgerðarhóp um víðtækar aðgerðir vegna ofbeldis meðal barna og gegn börnum - 2408023SA

Lagt fram til kynningar bréf Sambandsins til mennta- og barnamálaráðuneytisins, dags. 4. september 2024, þar sem Alfa Dröfn Jóhannsdóttir, forvarnarfulltrúi á stjórnsýslusviði Sambandsins, er tilnefnd sem aðalfulltrúi í aðgerðarhóp um víðtækar aðgerðir vegna ofbeldis meðal barna og gegn börnum, og Ingimar Guðmundsson, verkefna- og kynningarstjóri Íslensku æskulýðsrannsóknarinnar á stjórnsýslusviði Sambandsins, til vara.

22. Tilnefning í samstarfsvettvang stjórnvalda og atvinnulífs á sviði netöryggis - 2406020SA

Lagt fram til kynningar bréf Sambandsins til háskóla-, iðnaðar- og nýsköpunarráðuneytisins, dags. 5. september 2024, þar sem Þórdís Sveinsdóttir, sviðsstjóri þróunarsviðs Sambandsins, og Magnús Níels Sigurðsson, á þjónustu- og nýsköpunarsviði Reykjavíkurborgar, eru tilnefnd í samstarfsvettvang stjórnvalda og atvinnulífsins á sviði netöryggis.

23. Tilnefning í starfshóp um almenningssamgöngur - 2409005SA

Lagt fram til kynningar bréf Sambandsins til innviðaráðuneytisins, dags. 6. september 2024, þar sem Albertína Friðbjörg Elíasdóttir, framkvæmdastjóri Samtaka sveitarfélaga og atvinnuþróunar á Norðurlandi eystra, og Berglind Kristinsdóttir, framkvæmdastjóri Sambands sveitarfélaga á Suðurnesjum, eru tilnefndar í starfshóp um almenningssamgöngur.

24. Tilnefning í starfshóp um stefnu fyrir virka ferðamáta og smáfarartæki - 2408006SA

Lagt fram til kynningar bréf Sambandsins til innviðaráðuneytisins, dags. 10. september 2024, þar sem Dóra Björt Guðjónsdóttir, borgarfulltrúi í Reykjavík, er tilnefnd í starfshóp um stefnu fyrir virka ferðamáta og smáfarartæki.

Fundi var slitið kl. 16:22